



FERROL



XIX CIRCUITO ESCOLAR FERROLÁN DE CARREIRAS POPULARES E DE CAMPO A TRAVÉS.

Art. 1.- Durante a tempada 2022 – 2023 o Concello de Ferrol e a Federación Galega de Atletismo a través da súa Delegación en Ferrol organizan o XIX Circuito Ferrolán de Carreiras populares e Campo a Través, co obxectivo da promoción do deporte do Atletismo entre os nenos/as en idade escolar da cidade.

Art. 2 .- A proba estará baixo a normativa da e o control da Federación Galega de Atletismo. Asimesmo e dado que algunha das xornadas pode coincidir con fases locais do programa Xogade, estableceranse dúas clasificacións: A do Circuito Ferrolán de Campo a través, rexida por este Regulamento, e a relativa á competición do Programa Xogade, rexida polo regulamento do citado programa.

Art. 3.- Xornadas do circuito.

Xornada	Data prevista¹	Lugar²
1ª Xornada	13 novembro	Canido
2ª Xornada	17 decembro	A Malata
3ª Xornada	15 Xaneiro 2023	XXXIX San Xiao. Esteiro
4ª Xornada	22 Xaneiro 2023	As Cabazas

As distancias a percorrer, en cada caso, serán controladas e cronometradas polos/as xuíces/as que designe a FGA, empregando, se fora o caso un sistema de cronometraxe electrónica en algunha delas.

Publicarase en cada carreira o circuito a percorrer para cada unha das categorías.

Art. 4.- PARTICIPACIÓN.- Poderán participar todos os clubs e colexios do Concello de Ferrol e comarca cun número ilimitado de atletas que teñan a licenza deportiva escolar. Engádese a categoría peques.

Competirán na categoría que lle corresponda por idade cumprida no comezo da primeira carreira que conforma o Circuito, mantendo dita categoría

¹Os lugares das probas estarán suxeitos a modificación en función das condicións nas que se atopen os mesmos

² As datas das probas estarán suxeitas a modificación en función das condicións climatolóxicas ou circunstancias sobrevidas.



FERROL



DEPORTE
GALEGO

XUNTA
DE GALICIA

XOGOS GALEGOS DEPORTIVOS EN IDADE ESCOLAR

ata a última proba. Quen se inscriba en calquera das carreiras do circuíto acollerase a esta mesma regra, a fin de que todos/as participen en igualdade de condicións.

Sub 16	Nacidos/as no 2008 - 2009
Sub 14	Nacidos/as no 2010 - 2011
Sub 12	Nacidos/as no 2012 - 2013
Sub 10	Nacidos/as no 2014 - 2015
Sub 8	Nacidos/as no 2016 - 2017- 2018
peques*	Nacidos/as no 2019

Art. 5.- INSCRICIÓN.- As probas do XIX Circuíto Ferrolán de Campo a Través forman parte do Programa Xogade, polo **que será requisito indispensable de cara á participación do mesmo**, inscribir os/as nenos/as no citado programa (www.deporteescolargalego.com). Deberá remitirse resgardo da súa inscrición á Delegación de Atletismo. Non se permitirá a participación de ningún neno/a nas probas que non este inscrito no citado programa na súa actividade de Campo a Través.

Todas as persoas participantes inscritas na Actividade Deportiva Escolar serán dadas de alta nun seguro de accidentes deportivos. Este cubrirá a asistencia nos centros concertados (consultar na póliza excepcións para acudir a centros non concertados) ante aqueles accidentes e/ou lesións debidos á práctica de actividade deportiva producidos durante os adestramentos e competicións do programa Xogade, dende o inicio do programa ata o 31 de maio.

Os deportistas asegurados deberán ter entre 6 e 16 anos cumpridos (o día que cumplan os 17 anos perden esta cobertura). Toda a documentación referente á cobertura do seguro está dispoñible na páxina <http://xogade.xunta.gal> e <https://inscripcion-xogade.xunta.gal>: póliza, protocolo de actuación, etc

*Para os deportistas da categoría PEQUES (sub 8), dado que as idades non están recollidas no programa Xogade, a Concellería de deportes proporcionará o seguro de accidentes que asemelle a licenza deportiva.

Cada participante só poderá inscribirse nunha única modalidade:

Inscrición Clubs: Para participar en cada xornada, será imprescindible inscribir os/as participantes (Anexo I) a través do correo electrónico fgaferrol@gmail.com. A data límite para a inscrición será o **martes anterior á xornada**.

Inscricións Centros Educativos: Para participar en cada xornada, deberase remitir un listado de participantes (Anexo II) que deberá estar asinado polo seu Director/



FERROL



DEPORTE GALEGO

XUNTA DE GALICIA

XOGOS GALEGOS DEPORTIVOS EN IDADE ESCOLAR

a a través do correo electrónico fgaferrol@gmail.com. A data límite para a inscrición será o **martes anterior á xornada**.

Art. 6.- Premiación.- En cada unha das catro Xornadas do Circuíto Ferrolán de Campo a Través, se entregarán trofeos ou medallas aos tres primeiros/as clasificados/as en cada categoría para as categorías en idade escolar, agás a categoría peques, que recibiran un agasallo todos/as os participantes.

Art. 7.- CLASIFICACIÓN DO CIRCUÍTO.- Os premios do XIX Circuíto Ferrolán de Campo a Través se repartirán ao final das catro Xornadas por categorías e sexos.

Art. 7.1.- Clasificación individual: establecerase sumando as puntuacións alcanzadas en tres das catro xornadas programadas. Se o/a atleta participa en todas as xornadas, ó final da clasificación descontarase a puntuación alcanzada na peor Xornada. En cada proba puntuarán os 20 primeiros clasificados/as de cada categoría, conforme ao seguinte cadro.

Proclamarase vencedor/a do XIX Circuíto de carreiras populares e campo a través o/a atleta que acade maior número de puntos despois de disputarse as catro Xornadas.

1º:	20 puntos	6º:	15 puntos	11º:	10 puntos	16º:	5 puntos
2º:	19 puntos	7º:	14 puntos	12º:	9 puntos	17º:	4 puntos
3º:	18 puntos	8º:	13 puntos	13º:	8 puntos	18º:	3 puntos
4º:	17 puntos	9º:	12 puntos	14º:	7 puntos	19º:	2 puntos
5º:	16 puntos	10º:	11 puntos	15º:	6 puntos	20º:	1 punto

No caso de ter que suspender algunha Xornada e non poder recuperala noutra data (a determinar pola Concellería de Deportes do Concello Ferrol), tomarase como peor marca a da xornada suspensa e proclamarase vencedor/a o/a atleta que acade maior número de puntos despois de disputarse as tres Xornadas restantes.

Art. 7.2.- Clasificación por colexios.- En cada unha das probas haberá outra **clasificación por colexios**. Trátase dunha clasificación basicamente participativa, que se obterá sumando todos os nenos/as que entren en meta en cada unha das categorías. A clasificación por colexios queda limitada os Colexios do Concello de Ferrol. Para a clasificación por Centros, entregaranse vales para material deportivo dacordo coa seguinte clasificación:



FERROL



DEPORTE GALEGO

XUNTA DE GALICIA

XOGOS GALEGOS DEPORTIVOS EN IDADE ESCOLAR

PREMIOS POR CENTROS (Material deportivo)	
Clasificación	EUROS
1º	600 €
2º	450 €
3º	150 €

Art. 7.3.- No caso do Programa Xogade, rexerase polo regulamento específico do citado programa

Art. 8. - Os horarios, categorías e distancias serán os seguintes:

Horario	Categorías	DISTANCIA EN METROS			
		1ª xornada	2ª xornada	3ª xornada	4ª xornada
11'00	Sub 16 masculino	3000	3500	2000	4000
11'25	Sub 16 feminino	2000	2500	2000	3000
11'45	Sub 14 masculino	2000	2500	1000	3000
12'05	Sub 14 feminino	1500	1700	1000	2000
12'25	Sub 12 masculino	1500	1700	1000	2000
12'40	Sub 12 feminino	1200	1400	1000	1900
12'55	Sub 10 masc / femi	500	700	800	900
13'00	Sub 8 mas c / femi	200	250	300	350
13,05	Peques	100	150	200	250

Art.8.- Ao se inscribiren, todos os corredores aceptan a publicación do seu nome e a súa imaxe nas clasificacións, medios de comunicación e/ou a internet. De igual maneira, mediante a inscrición o/a corredor/a consente expresamente que os seus datos sexan empregados pola organización para comunicacións acerca da súa actividade.

En calquera caso, tal e como establece a Lei de protección de datos de carácter persoal, as persoas interesadas poden exercer os seus dereitos de acceso, rectificación, cancelación e oposición a través dun escrito ou correo electrónico dirixido a Concellería de Deportes do Concello de Ferrol, praza de Armas s/n, 15402 Ferrol, <deportes@ferrol.es>.

Art. 10 - A organización poderá modificar este regulamento ou o circuito polo que discorrerá a carreira sen aviso previo. Así mesmo, resérvase a facultade de decidir sobre calquera circunstancia ou aspecto que non se considere neste regulamento.



Art. 11 - Coa inscrición na proba enténdense aceptadas todas as normas e demais consideracións reflectidas neste regulamento.